

## **ZURE BEGIRATUAK IKUSGAI BIHURTZEN DITU, ZURE ENTZUTEAK ARDURADUN EGITEN ZAITU. ZURE ISILTASUNAK GAIZKIDE EGITEN ZAITU...**

Otsailaren 8an, Santa Bakhitararen bizitza oroitzuz, Pertsonen Salerosketaren aurkako Gogoeta eta Otoitzerako Munduko Eguna ospatuko da. Frantzisko Aita Santuak dei egiten deusku zazpigarren urtez jarraian egun hau ezagutu eta ospatu daigun, kristau alkarteei sarritan ezezagun edo arrotz gertatzen jakun errealidade hau ezagutzera emoteko eskatzeaz batera.

Horretarako, Migrazinoetarako Mahaitik agiria prestatu dogu, ***Samariar Onaren parabolaren argitan***. Izan be, parabola honek **Jesusen atzetik jarraitzeko eraz** galdetzen deusku eta baita giza eskubideen aurkako benetako gertaeren aurreko **jokabide etikoaz**. Kontaketa horren haritik, ahuleziazko egoeran dagozan pertsonen egoera ikusiezina, hain zuzen be, gaur egun, generoak eragindako egoera, batez be emakumeak diralako kaltetuenak, eta gero eta handiagoa dan desbardintasuna eta pobretasuna aztertuko doguz.

Ignacio Ellacuriak (martiri salvadortarra 1989an) inoanez, “bere ***kargu hartzaz*** eta ***nork bere gain hartzaz*** gainera, ***berataz arduratzen*** garanean ezagutzen dogu errealidadea”(2).

### **1. Ikusi: “errealidadeaz kargu hartu”**



**ZERTAZ ARI GARA...? Giza eskubideen aurkako eraso larriaz:** Gizon eta emakume guztiek dabe biziaz, askatasunaz eta euren buruaren segurtasunaz gozatzeko eta indarkeriarik eta tratu anker eta umilgarririk ez jasateko eskubidea; inongo esklabotasun edo morrontzaren menpe ez egoteko, askatasunez ibilteko, bere bizilekua aukeratzeko... eskubidea.

**Delitu larria da,** hau da, pertsonak erakarri, garraiatu, lekualdatu, hartu edo jaso esplotatzeko helburuagaz.

**Jainkoak gizon eta emakumeentzat, munduarentzat, kosmosarentzat eta giza historiarentzat amestutako egitasmoen aurkako eraso sistematikoa be bada.**

### **NORTZUK DIRA EDO IZAN DAITEKEZ SALEROSKETAREN BIKTIMA?**

Ahulezian dagoan edozein pertsona, eta ez nahitaez gizarte klase jakin bati lotutakoa, eta eremu nazionalen zein internazionalen gertatu daiteke. Dana dala, pertsonen salerosketa, etorkinen legez kontrako merkataritza eta prostituzinoa, esplotazinarako bide nagusi lez, ezin dira biztanleriaren munduko mobimentuetatik, dagokiezan jatorrizko herrialde, korridore eta helmugako herrialdeetako politika migratzaileetatik eta, azken batean, gizarte eta ekonomia desbardintasunetatik bereizi.

## **ZURE BEGIRATUAK IKUSGAI BIHURTZEN DITU, ZURE ENTZUTEAK ARDURADUN EGITEN ZAITU. ZURE ISILTASUNAK GAIZKIDE EGITEN ZAITU...**

### *Hainbat dat*

Pertsonen salerosketaren gaiaz dihardugunean, kopuruei buruzkoa izaten da lehenengo galdera. Zenbat? Halanda be, benetan gaxa da zenbakiak emotea eta kopurua, esanguratsua bada be, holakorik gertatzea onartezintzat joteko biztanleriaren guztizko kopuru txiki bat nahikoa litzatekela pentsatu behar dogu.

Barne-arazoetako Ministerioko Terrorismo eta Krimen Antolatuaren aurkako Inteligentzia-zerbitzuek *pertsonen salerosketaren inguruan* egindako azterketan nabarmentzen denez, Polizia Nazionalak eta Goardia Zibilak **732 lagun atxilotu ebezan** sexu-, lan-, eskaletasun-esplotazinarako, derrigorrezko ezkontzetarako edo delitu egiteko **pertsonen salerosketari** eta sexu- eta lan-esplotazinoari lotutako delituengaitik. Gainera, Estatuko Segurtasun Indar eta Kidegoek delituzko gertaera honeei lotutako 93 erakunde eta talde kriminal desegin ebezan. 2019an egozan era honetako 1.561 biktimen artean, adin txikiko 29 lagun egozan, eta horreetako 24, salerosketarako.

*“Behin baten, bajoian gizon bat Jerusalem-dik behera Jerikorantz, eta lapurren eskuetan jausi zan. Lapurrek, eukazanak kendu eta, egurtu ostean, alde egin eben, erdi hilda itziz. Hatan be, abade bat gertatu zan bide haretan behera eta, gizona ikusi ebanean, bidetik baztertu eta aurrera jo eban. Beste horrenbeste egin eban handik igaro zan tenpluko levitar batek be: ikustean, bidetik baztertu eta aurrera jo eban. Baina bidaian zan samariar bat bertara heldu eta, ha ikustean, errukitu egin jakon”. (Lk 10, 29-33)*



### *Hausnarketa:*

1. Errealidade ezezaguna da niretzat? Ezezaguna bada, zelan kokatzen naz orain horren aurrean? Ze barritasun dakarkit, zer da barri niretzat?
2. “Begiratu bai, baina ikusten ez dozun” (Mt 13, 13) horreetakoa ete zara? Ze egitekok galarazten deust ikustea? Edo zerk bultzatzen zaitu aurrera egitera?

**ZURE BEGIRATUAK IKUSGAI BIHURTZEN DITU, ZURE ENTZUTEAK  
ARDURADUN EGITEN ZAITU. ZURE ISILTASUNAK GAIZKIDE EGITEN ZAITU...**

**2. Epaitu: ikusitakoa aztertuko dogu: “nork bere gain hartu” eta... “bihotzetik pasatu”**

***BIZITAKO GERTAERA. KONTAKETA***

*II. 32 urte, brasildarra: “banekien prostituitzera nentorrela. Dirua behar neban aitaren gaixotasunari aurre egiteko, baina sekula ez jatan burutik pasatu be egin gero biziko nebana. Beste hamazortzi neska gaz nengoan gelan. Egunero, arratsaldeko seietan, kamioneta iristen zan, klubera eroaten ginduzan eta goizaldean bueltatzen zan gure bila. Baina ez da hor amaitzen. Madamearen semea edozein ordutan etorten zan bere lagunekin eta eurekin sexu-harremanak izatera behartzen ginduzan. Ezin genduan inogaz hitz egin, egoera jasanezina zan niretzat eta ihes egitea obsesino bihurtu jatan, baina, nora joan neitekean agiri barik? Bezero bati esan neutsan, arren nor zan esateko eta laguntzeko. Abokatua zan eta handik egun gitxira polizia sartu zan klubean eta sarea desegin eban. Gaur egun, Igualadako zerbitzu batean lanean dago.*

***Frantzisko Aita Santuaren idazkiak:***

*Egundoko larritasuna eragin izan deust beti pertsonen salerosketa jasaten daben pertsonak. Danoi galdezka diharduan Jainkoaren garrasia entzun daigula gurako neuke: Non dago zure arreba, non zure anaia? Non da egunero ezkutuko tailerrean, prostituzino-sarean, eskale lez darabilzuzan umeen artean, erregularizatu barik dagozalako ezkutuan lan egin behar daben artean hiltzen dozun hori? Ez daiguzan obarkabearen plantak egin: konplizitate asko dago. Galdera danontzat da!*

***“Errukitu egin jakon. Hurreratu eta zauriak lotu eutsozan, olio z eta arda oz igurtzi ostean; gero, bere asto gaine an jarri, (Lk 10, 33-34)***

***Hausnarketa:***

1. Ze galdera sortzen jatzu?
2. Zerk eragin dit zirrara gehien begirada horretatik?
3. Zelan sentitzen naz aurkezten jatazan egoera horreen aurrean? Bildur naz? Galderak bizten jatatz? –Neure egingo dot errealdade hori, “neure gain hartuko dot”, bihotzetik pasatuz, bizitzako minutu batzuez neure eginez, neuri be badagokit-eta.

**ZURE BEGIRATUAK IKUSGAI BIHURTZEN DITU, ZURE ENTZUTEAK  
ARDURADUN EGITEN ZAITU. ZURE ISILTASUNAK GAIZKIDE EGITEN ZAITU...**

**3. Ekin: “errealitateaz arduratu”. Proposamenak, aholkuak...**

*“Konprometitu barik pentsatzea, alperrekoa da eta pentsatu barik konprometitzea,  
arriskutsua” (Natividad de la Red)*

*“Ostatura eroan eta bere ardurapean hartu eban. Biharamonean, zidarrezko  
txanpon bi atara eta ostalariari emon eutsozan, esanez: «Jagon egizu eta, gehiago  
gastatzen badozu, hurrengoan natorrenean ordainduko deusut”. (Lk 10, 34-35.)*

Batzar honetan ikusi eta ezagutu dudanaren “kargu hartu” ondoren, bihotzetik pasatu dot, hau da, “neure gain hartu dot”, min emon deust, sentitu egin dot, errealitatea entzun dot eta galdera egin deusat neure buruari. Orain, galdera honeek egingo dodaz:

1. Zelan “arduratu naiteke horretaz”?
2. Zertan konprometitzen ari da nire bizitza eta bihotza?



**ZURE BEGIRATUAK IKUSGAI BIHURTZEN DITU, ZURE ENTZUTEAK  
ARDURADUN EGITEN ZAITU. ZURE ISILTASUNAK GAIZKIDE EGITEN ZAITU...**

**HAINBAT AHOLKU:**

- **SENTSIBILITATEA hezi**, errealidadea ulertzeko eta haren 'deia' entzuteko lehenengo urrats lez. Zergaitik dago pertsonen salerosketa eta zergaitik gauzatzen da, gaur egun, bide horretatik. Salerosketa emakumeen giza eskubideen bortxaketa oso larria izanda, zer dala-eta ez dau alarmarik bizten gizartean?
- **BEGIRATZEN ikasi**. Jarrera da benetan balio dauana. Begirada ARGI, KRITIKO eta SINISTEDUNA izateak gertaera honen inguruko norbere aurreretxiak alde batera itzi eta emakumeen begietatik eta Jainkoaren begietatik ikustea eskatzen dau.
- **JARAMON EGIN eta ez entzun bakarrik**. Errealidadera jarrera eraginkorraz hurreratu, komunikabideen –irradi, prentsa, telebista, gizarte sare, internet...- bidez ikusten eta entzuten dogunaren inguruan galderak eginez eta jarrera kritikoa hartuz, agertzen danetik harago ikusi ahal izateko. Barriaren zergaitiak, edukia, helarazteko era... bilatu.
- **GARRASI EGIN** eta ikusi eta entzundakoa **salatu**. Biktimen alde agertzen ez bagara, tratalarien alde egiten dogu, bidea libre itziz erabateko zigorgabetasunez jardun daien.
- **GURE HIZKERA ZAINDU**. Hizkuntza ez da inozoa, errealidadearen ikuspuntua islatzen dau eta jarrera eta jokaeretan eragiten.
- **SENDATU BAINO HOBE ARAZOARI AURREA HARTU**. Familia, eskola, parrokiak sozializaziorako lehenengo unitate lez, zenbateraino hezitzen dabez neskato eta mutikoak eskubideen bardintasunean, aginte eta arduren banaketan, alkarrenganako errespetuan? Ze eratako maskulinitate eta feminitate transmititzen jake umeei nortasun-eredu eta bestearen integrazino positibo lez? Hil edo bizikoa da pertsona guztien duintasun bortxaezina eta euren eskubideen errespetua lako balioetan sendo finkatutako kulturen hezitzea.
- **GIZARTEAN SENTIBERATASUNA BIZTU**. Prostituzinoan aritzen diran emakumeak eta salerosketaren biktimak guregandik gertu dagoz. Agerian eta, aldi berean, ikusgai. Eredu publikoak hartzen dabez eta, batzuetan, euren presentziak gatazkak eragiten ditu. Ze jarrera dogu gertaera horren aurrean? Ze arrazoi dogu gure jarrerari eusteko? Zertan oinarritzen dogu jarrera hori?



**ZURE BEGIRATUAK IKUSGAI BIHURTZEN DITU, ZURE ENTZUTEAK  
ARDURADUN EGITEN ZAITU. ZURE ISILTASUNAK GAIZKIDE EGITEN ZAITU...**

✓ **Beste hainbat lagungarri:**

‘Ebelyn’ eta ‘Alanis’ pelikulak ikusi daitezke. Pertsonen salerosketa eta horren biktima diranen perfilak islatzen dabez.

- **Evelyn** pelikulak noizean behin prentsan agertzen diran izenburuen bidez zehaztasun barik ezagutzen dan istorioa zehatz-mehatz kontatzen dau: Espainiara lan egitera datozen emakumeek jasaten daben txantaje eta esplotazioa. “Errealidadea, fikzioa baino askoz gogorragoa da”, esaten da emakume horreek bizi daben esperientziaren inguruko nahasketa eta erruduntasunari buruz.
- **Alanis**, sexuaren munduan lan egiten dauan emakume gaztea da, seme txikia dau eta Gisela adiskideagaz bizi da apartamentu batean. Egun batean, gizon ezezagun bi joaten dira apartamentura nortasun faltsuakaz eta beren burua bezero lez aurkeztuz, Alanis eta Giselari galdeketa egin eta apartamentuaren alokairua bertan behera izteko. Hortik aurrera, Alanisek senda borrokatu behar izango dau gizartean lekua hartzeko. Hainbat zailtasun agertu arren, berak ez dau biktima izan gura eta bere egoerari aurre egin behar izango deutso.

*«Jente txiki askok, leku txikietan, gauza txikiak eginez, mundua aldatu leike»  
(Eduardo Galeano).*